

ÁKVÖRÐUN FRAMKVÆMDASTJÓRNARINNAR

frá 29. júní 1994

um reglur um stjórn samstarfs um vísindalegar athuganir á sviði matvæla(*)

(94/458/EB)

RÁÐ EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 93/5/EBE frá 25. febrúar 1993 um aðstoð við framkvæmdastjórnina og samstarf af hálfu aðildarríkjanna um vísindalegar athuganir á sviði matvæla (1), einkum 3. gr.,

og að teknu tilliti til eftirfarandi:

Samkvæmt ákvæðum fyrsta liðar 2. mgr. 3. gr. í tilskipun 93/5/EBE skal setja reglur um stjórn samstarfsins.

Reglurnar eiga að þjóna ýmsum markmiðum.

Nauðsynlegt er að setja nákvæmari reglur um þær aðferðir sem ber að fara eftir á ýmsum stigum samstarfsins.

Einnig ber að setja nákvæm ákvæði um samstarf milli þeirra stofnana og yfirvalda sem aðildarríkin tilnefna.

Nauðsynlegt er að tryggja að tilmæli vísindanefndar um matvæli séu auðskilin.

Ráðstafanir sem kveðið er á um með þessari tilskipun eru í samræmi við álit fastanefndar um matvæli.

SAMÞYKKT ÁKVÖRÐUN ÞESSA:

1. gr.

Í þessari ákvörðun eru settar reglur um stjórn samstarfs milli aðildarríkja og framkvæmdastjórnarinnar um vísindalegar athuganir á sviði matvæla í samræmi við tilskipun 93/5/EBE.

2. gr.

1. Í samvinnu við yfirvöld eða stofnanir sem aðildarríki tilnefna í samræmi við fyrstu málsgrein 2. gr. tilskipunar 93/5/EBE skal framkvæmdastjórnin a.m.k. sjötta hvern mánuð undirbúa drög að ákvörðun um gerð og uppfærslu skrár yfir verkefni og forgangsröð þeirra í skilningi annars liðar 2. mgr. 3. gr. tilskipunar 93/5/EBE.

(*) Þessi EB-gerð, sem birtist í Stjtið. EB nr. L 189, 23. 7. 1994, bls. 84, var nefnd í ákvörðun sameiginlegu EES-nefndarinnar nr. 35/94 frá 15. desember 1994 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá þessa útgáfu af EES-viðbæti við Stjórnartíðindi Evrópubandalagsins.

(1) Stjtið. EB nr. L 52, 4. 3. 1993, bls. 18.

2. Í drögunum skal greina á milli málefna sem falla undir a-lið 2. mgr. 1. gr. tilskipunar 93/5/EBE og málefna sem falla undir b-lið 2. mgr. 1. gr.

3. gr.

1. Þegar aðildarríki tilnefnir yfirvald eða stofnun samkvæmt 2. gr. tilskipunar 93/5/EBE skal það gefa upp heiti eins yfirvalds eða stofnunar ásamt nafni og heimilisfangi milligöngumanns fyrir framkvæmdastjórnina og hin aðildarríkin.

2. Aðildarríki skal þegar í stað tilkynna framkvæmdastjórninni um allar breytingar á upplýsingunum sem um getur í 1. mgr.

4. gr.

Þegar innlent yfirvald eða stofnun sem hefur verið tilnefnt áformar þátttöku í framkvæmd sérstaks verkefnis skal yfirvaldið eða stofnunin leggja fram lista yfir þær stofnanir sem mega taka þátt í samstarfinu, ásamt:

- nöfnum þeirra og heimilisföngum og nafni einstaklings eða lögpersónu sem ber ábyrgð á framkvæmd verkefnisins,
- upplýsingum um tiltæk úrræði og sérþekkingu á viðkomandi sviði.

5. gr.

1. Framkvæmdastjórnin skal sjá til þess að þeir sem eiga hagsmuna að gæta, að tilnefndum yfirvöldum og stofnunum meðtöldum, fái eins fljótt og auðið er aðgang að álitum vísindanefndar um matvæli ásamt samantekt þeirra röksemda sem álitid grundvallast á.

2. Ef einstaklingur eða lögpersóna, stofnun sem er þátttakandi, tilnefnt yfirvald, tilnefnd stofnun eða framkvæmdastjórnin greinir frá trúnaðarkvöðum á upplýsingum eða skjölum notuðum í vísindalegu samstarfi, skal framkvæmdastjórnin sjá til þess að viðkomandi upplýsingar eða skjöl séu greinilega merkt sem trúnaðarmál.

Þeim sem taka við slíkum upplýsingum eða skjölum ber að virða trúnaðarkvaðir þeirra.

Að beiðni tilnefnds yfirvalds eða tilnefndrar stofnunar skal framkvæmdastjórnin endurskoða trúnaðarkvaðir upplýsinganna eða skjalanna í samráði við þá aðila sem hafa sett þær.

6. gr.

Í ákvörðun um skrá yfir verkefni og forgangsröð þeirra samkvæmt öðrum lið 2. mgr. 3. gr. tilskipunar 93/5/EBE skulu vera nákvæmar upplýsingar, einkum um:

- inntak þess starfs sem á að inna af höndum,
- eðli og umfang starfsins,
- frest til að ljúka starfinu.

7. gr.

1. Í samvinnu við yfirvöld eða stofnanir sem aðildarríki tilnefna í samræmi við fyrstu málsgrein 2. gr. tilskipunar 93/5/EBE skal framkvæmdastjórnin a.m.k. sjötta hvern mánuð undirbúa drög að ákvörðun um skiptingu verkefna milli tilnefndra yfirvalda og stofnana.

Þegar ákvörðunin hefur verið samþykkt skal sérhvert yfirvald eða stofnun láta framkvæmdastjórnina vita um heiti þeirrar stofnunar eða stofnana sem skulu annast framkvæmd hinna sérstöku verkefna. Yfirvaldið eða stofnunin skal þegar í stað láta framkvæmdastjórnina vita um allar breytingar.

2. Heimilt er að gera viðeigandi ráðstafanir til að koma á beinu sambandi milli framkvæmdastjórnarinnar og stofnananna varðandi tæknileg atriði, með fyrirvara um skilyrði sem kunna að verða sett af tilnefndum yfirvöldum eða stofnunum.
3. Þegar einu verkefni er skipt á milli tilnefndra yfirvalda eða stofnana í tveimur eða fleiri aðildarríkjum er heimilt að gera

viðeigandi ráðstafanir til að koma á beinu sambandi milli þeirra stofnana sem hafa verið beðnar að annast framkvæmd slíkra verkefna, með fyrirvara um skilyrði sem kunna að verða sett af tilnefndum yfirvöldum eða stofnunum.

8. gr.

1. Öll yfirvöld eða stofnanir sem hafa verið tilnefnd skulu a.m.k. sjötta hvern mánuð senda framkvæmdastjórninni skýrslu um framgang þeirra verkefna sem þeim var úthlutað. Framkvæmdastjórnin skal dreifa skýrslunni til hinna yfirvaldanna eða stofnananna sem voru tilnefnd.
2. Framkvæmdastjórnin skal endurskoða verkefnin reglulega, í samráði við tilnefnd yfirvöld eða tilnefnda stofnun.

9. gr.

1. Framkvæmdastjórnin skal eiga náð samstarf við tilnefnd yfirvöld eða tilnefndar stofnanir um allar framkvæmdahlíðar tilskipunar 93/5/EBE.
2. Framkvæmdastjórnin skal auðvelda samskipti og upplýsingaskipti milli vísindanefndar um matvæli og tilnefndra yfirvalda eða stofnana um þau málefni sem heyrja undir gildissvið tilskipunar 93/5/EBE.
3. Framkvæmdastjórninni er enn fremur heimilt að hafa frekara samráð eftir því sem hún telur nauðsynlegt og skal hún þá láta tilnefnd yfirvöld eða tilnefndar stofnanir vita um það.

10. gr.

Ákvörðun þessari er beint til aðildarríkjanna.

Gjört í Brussel 29. júní 1994.

Fyrir hönd framkvæmdastjórnarinnar,

Martin BANGEMANN

forseti